

# ROISAN

## De ioù veun lo noun Vatican ?

D'eun cou, lo Vatican l'ïye lo noun d'eun tsanti de Romma, di cou-ti dret di *Tevere*, fran eun fase di Tsan de Mars é a drèite di *Gianicolo*.

Dampremi l'ïye eunna litse mâsan-a é umida ; to vaco, mée boun pe alì eun tsan.

Djica de tèn aprì, de sisse croué vaco ba i pià de la couta, *Agripina* l'a fé de dzén prou.

Todzoo lé pe lo Vatican, l'ampéreur Nérón l'a fé fée eun pégnó sirque privó ; lé dedeun soun itó tchoué le premi martire critchèn, é euntre leue euncó l'apotre Pière que l'é itó eunterró fran lé.

Dèi adoùn, si tsanti l'é vin-ì eun semeteurio tan pe le payèn que pe le critchèn, tanque i tèn de l'ampéreur Costanteun que, deun le-z-àn que van di 326 i 333 aprì Jezù Cri, l'a baillà odre de fée eumplan-ì lo sondzón de la crita pe lèi fée bâti la premiye baze-leucca dediaye a sèn Pière.

L'é maque dèi l'an 1870 que lo Vatican l'é la rezidanse di Sèn Pée ; i Moyèn-Adzo lli restèe deun lo palé di Latrà, é pi tar l'é tramo-se deun d'atre eumpourtante bâtize de Romma, comme lo *Quirinale*, que i dzor de oueu l'é la rezidanse di prézidàn de la repebleucca italienna.



lo gnalèi



Région Autonome  
**Valle d'Aoste**  
Regione Autonoma  
**Valle d'Aosta**

Assessorat de l'Éducation  
et de la Culture  
Assessorato Istruzione  
e Cultura

### Préi de :

*Conte pe le petchoù de inque - Contes pour les enfants d'ici*

*Tome II, Histoires d'animaux*

Rita Decime, Musumeci Editeur, Quart (Ao) 1984

Texte publié en 2008 sur « L'écho de nos montagnes—Paroisse de Roisan »

Collaborateur de Roisan pour la traduction: **Federica Diémoz**

La transcription a été soignée par le Guichet Linguistique